

玉函山房輯佚書

春秋穀梁傳注義一卷晉徐邈撰邈有春秋音已著錄隋志有春秋穀梁傳十二卷春秋穀梁傳義十卷並題徐邈撰又別有徐邈答春秋穀梁義三卷唐志作徐邈注十二卷又傳義十卷晉一卷今並佚注疏引九十一節北堂書鈔引二節初學記引一節並據輯錄注義二書不能區分總以注義題之本傳稱所注穀梁傳見重於時范爲集解引述獨多則以其書辭理典據實有可觀亦以爲豫章時採求風教邈與南書極論諸曹心折有素序所謂二三學士者徐當

其選乃楊疏於范氏門生故吏指謂江徐又以所識
近十家膚淺未學列徐仙民名於七失於深考矣歷
城馬國翰竹吾甫

春秋穀梁傳注義

晉 徐邈 撰

夫子感隱桓之事爲作春秋振王道於無王以世南北

皇書鈔卷
九十五

隱公

二年

知者慮義者行仁者守然後可以出會會戎危公也

曾戎雖危有三臣之助不至於難故不月也

楊士
必疏

三年春王三月己巳日有食之傳言日不言朔食晦

故也

己巳爲二月晦則三月不得庚戌也明宣十年四月丙辰十七年六月癸卯皆是前月之晦也則此己巳正月晦冠以二月者蓋交會之正必主於朔今雖未朔而食著之此月所以正其本亦猶成十七年十月壬申而繫之十一月也取前月之日而冠以後月故不得稱晦知非二月朔也同上

吐者內壞食者外壞

壞作傷

楊疏云壞字爲穀梁音
皆爲傷徐邈亦作傷

癸未葬宋繆公傳曰葬故也危不得葬也

文元年傳曰葬曰會言有天子諸侯之使共赴會葬事故凡書葬皆據我而言葬彼所以不稱宋葬繆公而言葬宋繆公者弔會之事賄襚之命此事無所書故但記卒記葬錄魯恩義之所及則哀其喪而恤其終亦可知矣若存沒隔絕情禮不交則卒葬無文或有書卒不書葬蓋外雖赴卒而內不會葬無其事則闕其文史策之常也

范甯
集解

四年

祝吁之挈失嫌也

挈舉

楊

五年

舞夏天子八佾諸公六佾諸侯四佾

言佾則羽在其中明婦人無武事獨奏文樂

集解
楊

疏云何休徐邈
之等並同范說

八年

庚寅我入邴

人承鄭歸邴下嫌內外文不別故著我以明之

集解

九年

俠卒傳俠者所俠也

尹更始云所者俠之氏

楊

桓公

元年春王傳桓無王其曰王何也謹始也

桓公篡立不顧王命王不能討故無王又且桓公
始終十八年唯元年二年十年十八年有王自外
皆無王故傳據以發問而曰無王

楊

二年

此成矣取不成事之亂而加之焉於內之惡而君子無遺焉爾

宋雖已亂治之則治治亂成不繫此一會若諸侯討之則有撥亂之功不討則受成亂之責微豈虛加也哉春秋雖爲親尊者諱然亦不沒其實故納鼎于廟躋僖逆祀及王室之亂昭公之孫皆指事而書哀七年傳所謂有一國之道者有天下之道者也君失社稷猶書而不隱況今四國羣會非一人之過以義致譏輕於自己兆亂以此方彼無所

多怪

集解

三年

諸母施鞶紳戒曰謹慎從爾父母之言

今注疏本作諸母般中之
日依初學記引穀梁傳下載

徐邈改初學記引賤慢字

鞶佩袞也紳帶也諸母爲施佩帶又戒之也

徐邈初學

記卷十四

五年

秋蔡人衛人陳人從王伐鄭傳舉從者之辭也

舉從者之辭謂王不能以威致三國三國自以義

從耳

揚

鄭同姓之國也在乎冀州

新鄭屬冀州

同上

十有三年春二月公會紀侯鄭伯己巳及齊侯宋公衛侯燕人戰齊師衛師燕師敗績

僖九年傳曰禮柩在堂上孤無外事今衛宣未葬而嗣子稱侯以出其失禮明矣宋陳稱子奇衛稱侯隨其所以自稱者而書之不失自見矣

集解

十有四年

傳無冰時燠也

傳無冰時燠也謂無冰書時燠煖也時字上屬爲

句成元年正月公卽位二月葬宣公三月作邱甲

無冰在其中不是爲無冰書月可知也此正月公

會鄭伯於曹下云無冰則正月者直爲公會鄭伯

不爲無冰何者無冰一時之事固當不得以月書

也楊疏引舊解云徐邈亦然無冰者常陽之異此夫人淫泆陰

爲陽行之所致也

疏

秋八月壬申御廩災乙亥嘗傳御廩之災不志此其

志何也以爲唯未易災之餘而當可也志不敬也

御廩之災不志不足志而當可也當可上屬同上

十有七年

癸巳葬蔡桓侯

葬者臣子之事故書葬皆以公配謚此稱侯蓋蔡
臣子失禮故卽其所稱以示過集解

莊公

三年春王正月羽會齊侯伐衛

傳例曰往月危往也齊受天子罪人爲之與師而

曾與同其理危也

集解

獨陰不生獨陽不生獨天不生三合然後生

古人稱萬物負陰而抱陽冲氣以爲和然則傳所謂天蓋名其冲和之功而神理所繇也會二氣之和極發揮之美者不可以柔剛滯其用不得以陰陽分其名故歸於冥極而謂之天凡生類稟靈知於天資形於二氣故又曰獨天不生必三合而形神生理具矣

同上

六年春王二月王人子突救衛

諸侯不奉王命朔遂得纂王威屈辱有危故月也
救衛於義善故重子突功不立故著其危

集解

十有八年春王三月日有食之傳不言日不言朔夜

食也

夜食則星無光

楊疏

三十有三年春公至自齊

不以禮行故致以見危

祭叔來聘

祭叔爲祭公使

天子諸侯黝望

黝柱也。望白璧也。謂白璧而黑柱。並同上

二十有五年

天子救日置五麾陳五兵五鼓

五兵者矛在東戟在南鉞在西楯在北弓矢在中

央揚

五鼓者東方青鼓南方赤鼓西方白鼓北方

黑鼓中央黃鼓

同上引蘆信徐邈

二十有六年

曹殺其大夫傳言大夫而不稱名姓無命大夫也無

命大夫而曰大夫貿也爲曹羈崇也

于時微國衰陵不能及禮其大夫降班失位下同
於士故略稱人而傳謂之無命大夫也葛慶荀舉
邾庶其邾快皆特以事書非實能貴故略名而已
楚雖荆蠻漸自通於諸夏故莊二十三年書荆人
來聘文九年又襄而書名國轉彊大書之益詳然
當僖公文公之世楚猶未能自同于列國故得臣
及叔竝略名惟屈完來會諸侯以殊禮成之楚莊
王之興爲江漢盟主與諸夏之君權行抗禮其勢

彊于當年而事交於內外故春秋書之遂從中國之例夫政俗隆替存乎其人三后之姓日失其序而諸國乘間與之代興因詳略之文則可以見時事之實矣秦爵伯也上據西周班列中夏故得稱師有大夫其大夫當名氏而文十二年秦術昭名蓋于時晉主魯盟而秦方敵晉則魯之于秦情好疏矣禮以飾情疏則禮略春秋所以略文平又吳札不書氏以成尊子上也宋之盟叔孫豹不書氏以著其能恭此皆因事而爲義

集解

二十有八年

大無麥禾傳大者有顧之辭也

至冬無禾於是顧錄無麥楊流不言水旱者麥禾自

死不繇水旱

同上

三十有一年

六月齊侯來獻戎捷傳齊侯來獻捷者內齊侯也不言使內與同不言使也獻戎捷軍得曰捷戎菽也

齊遣經魯界故使人獻捷不入國都而言來獻敬重霸主親而內之也楊疏霸主服遠之功重故詳而

月之也

上同

戎菽今之胡豆也

上同

冬不雨

僖十一年傳雩不得雨曰旱然則此云不雨者或

當不雩也

易疏

閔公

元年

謚所以成德也

成謂定其德之優劣

北堂書鈔卷九十四

億公

二年

滅夏陽而虞號舉矣

舉猶挾也言晉滅夏陽則虞號自此而挾矣

楊
陸

四年

其不言使權在屈完也則是正乎曰非正也以其來會諸侯重之也

經不言使屈完者重其會諸侯也

五年

塊然受諸侯之尊已

塊然安然也

九年

葵丘之會陳牲而不殺讀書加于牲上

陳牲者不殺埋之陳示諸侯而已加于牲上者亦謂活牲非死牲

冬晉里克殺其君之子奚齊傳其君之子云者國人不子也

不子者謂不子愛之也

並同上

十有五年

秋七月齊師曹師伐厲

案齊桓末年用師及會皆危之而月也于時霸業已衰勤王之誠替于初震矜之容見於外禍費既兆動接危理故月衆國之君雖有失道未足爲一

世興衰齊桓成攝羣后政行天下其得失皆治亂所繫故春秋重而詳之錄所善而著所危云爾集解

三十年

衛侯鄭歸于衛

凡出奔歸月執蹠不月者奔則國更立主若故君

還入必有戰爭禍害所以謹其文執者罪名未定
其國猶追奉之歸無犯害故例不月

三十有二年

冬十有二月己卯晉侯重耳卒

案詩序及紀年史記晉昭公之後大亂五世又鄭
忽之後有子亹子儀且事出記傳而經所無殊多
誠當有不告故不書者諸侯有朝聘之禮赴告之
命所以敦其交好通其憂虞若鄰國朝望而情志
否隔存亡禍福不以相關則它國之史無緣得書

故告命之事絕則記註之文闕此蓋內外相與之常也舊政雖陵遲而典刑猶存史策所錄不失常法其文獻之寶足徵故孔子因而脩之事乃失史而辭有損益所以成詳略之例起褒貶之意若夫可以寄微旨而通王道者存乎精義窮理不在記事少多此蓋脩春秋之本旨師資辯說日用之常義故穀梁子可不復發文而體例自舉矣上並同

文公

二年

丁丑作僖公主傳作爲也爲僖公主也

主蓋神之所馮依其狀正方穿中央達四方天子長尺二寸諸侯長一尺集解文楊疏云何休案逸並與范注同

立主喪主於虞吉主於練

謂之虞者親喪已入斯皇無所見求而虞事之虞猶安也虞主用桑者桑猶喪也取其名與其體物所以副孝子之心主用栗者謂旣埋虞主於兩階之間易用栗木爲主取其戰栗故用栗木爲主士虞記曰桑主不文吉主皆刻而諡之蓋爲瑞

楊疏引何休云云徐邈注穀梁盡與之同

三年

雨螽于未傳外災不志此何以志曰災甚也其甚奈何茅茨盡矣

禾稼旣盡又食屋之茅茨

楊疏

四年

夏逆婦姜于齊

不書至不稱夫人不娶賤略之

同上

五年

三月辛亥葬我小君成叔王使召伯來會葬

楊子氏分

羊及徐邈並云召伯此本作毛伯疑誤也

六年

晉殺其大夫陽處父傳稱國以殺罪累上也襄公已葬其以累上之辭言之何也君漏言也

春秋之例君殺無罪之大夫則是失德不令書葬

今襄公書葬則是無罪而以累上之辭言之者以

襄公漏泄陽處父之言故也

楊疏

九年

三月夫人姜氏至自齊傳卑以尊致病文公也

卑以尊致有文公娶齊大夫女爲妻故初逆姜氏

不稱夫人今致以夫人禮與逆自違故疾公也

同上

九月癸酉地震傳震動也地不震者也震故謹而日

之

蘇公子遂陰爲陽行專政之所以致

司上
休徐邈

十有二年

二月庚子子叔姬卒傳其曰子叔姬貴也公之母姊妹也

妹也

上傳云子叔姬者杞夫人見出故不言杞下傳云
許嫁者言是列女非杞叔姬也楊疏

十有三年

禮宗廟之事君祝割

禮記曰君執鸞刀而割牲是也同上

十有四年

秋七月有星孛入于北斗詩孛之爲言猶茀也

茀扶勿反一步勿反又音弗梓文

宣公

元年

遂之挈絲上致之也

挈舉

楊疏

二年

獲者不與之辭也

獲是不與之辭與者當稱得也故定九年得寶玉
大弓是也

五年

秋九月齊高固來逆子叔姬

傳言吾子是宣公女也

上同

八年

冬十月己丑葬我小君頃熊雨不克葬傳葬既有日不爲雨止禮也雨不克葬喪不以制也

案經文是己丑之日葬喪既出而遇雨若未及己丑而卻期無爲逆書此日葬禮喪事有進而無退又士喪禮有潦車載蓑笠則人君之張設固兼備矣禮先遷柩於廟其明昧爽而引旣及葬口之民則祖行遣奠之禮設矣故雖雨猶終事不敢停柩

久次

集解

十有二年

夏六月乙卯晉荀林父帥師及楚子戰于邲晉師敗績傳績功也功事也日其事敗也

先林父者內晉而外楚揚疏於此發傳者深閔中國大敗於強楚也今以曰爲語辭同上

冬十有二月戊寅楚子滅蕭

蕭君有賢德故書日也

十有四年

秋九月楚子圍宋

圍例時此圍久故書月以惡之也

十有五年

初稅畝傳初者始也古者什一藉而不稅

藉借也謂借民力治公田不稅民之私也

初稅畝者非公之去公田而履畝十取一也以公之與民爲已悉矣

除去公田之外又稅私田之十一也

並同上

十有六年

周災至

注疏本

周災不志也

楊疏

周災至

云徐邈所據本

周災至

重王室也

楊疏

成公

元年

無冰傳終時無冰則志此未終時而言無冰何也終無冰矣加之寒之辭也

此年無冰者縣季孫行父專政之所致也

楊疏引徐邈何休

十二月最是寒盛之時故特於此月書之

同上引繫

信徐邈

逸

三月作正甲

甲有伎巧非凡民能作而强使作之使書月以謹
之疏陽

二年

六月癸酉季孫行父臧孫許叔孫儕如公孫娶齊師
會晉郤克衛孫良夫曹公子手及齊侯戰于鞍齊
師敗績

四大夫不舉重者惡魯猥遣四大夫用兵亦以議
之也

同上

三年

丙午及荀庚盟丁未及孫良夫盟傳其日公也來聘而求盟不言及者以國與之也不言其人亦以國與之也

不言及謂凡書來盟者也若宣七年衛孫良夫來盟是也以國與之謂舉國爲主故直書外來爾此先聘而後盟故不言來盟總言及而不復著其人亦是舉國之辭集解

九年春王正月杞伯來逆叔姬之喪以歸傳曰夫無

逆出妻之喪而爲之也

爲猶葬也言夫無逆出妻之喪而葬楊疏

夏季孫行父如宋致女

宋公不親迎故伯姬未順爲夫婦故父母使卿致
伯姬使成夫婦之禮以其責小禮失大節故傳曰
不與內稱謂不稱夫人而稱女

十有三年

古之人重師故以乞言之也

引古以刺今耳

曹伯廬卒于師傳曰閔之也公大夫在師曰師在會
曰會

公及大夫所會諸侯在師言師在會言會

上
並同

十有四年春王正月莒子朱卒

傳稱莒雖夷狄猶中國也言莒本中國未世衰弱
遂行夷禮葬皆稱諡而莒君無諡諡以公配而吳
楚稱王所以終春秋亦不得書葬集解

十有六年春王正月雨木冰

五行以木爲介介甲也木者少陽之精納君大臣

之象冰者兵之象今冰脅木君臣將見執之異根
枝折者象禍害速至也

楊疏

冬十月乙亥叔孫僕如出奔齊

案襄二十三年臧孫紇出奔齊傳曰其日正臧紇

之出也禮大夫去君埽其宗廟不絕其祀身雖出

奔而君遇之不失正故詳而紀之明有恩義也

集解

乙酉刺公子偃傳大夫日卒正也先刺後名殺無罪

也

偃爲僕如所諧故云無罪

十有七年

九月用郊用者不宜用也宮室不設不可以祭衣服
不脩不可以祭車馬器械不備不可以祭一人不備
其職不可以祭

宮室謂郊之齊宮衣服車馬亦謂郊之所用言一
事闕則不可祭何得九月用郊同上

十有八年

築鹿園

地名天子國方百里公侯十里伯方七里子男方

五里言魯先有固今復築之故書以示譏則郎及

蛇泉亦是譏

楊疏案汲古閣疏本脫百里公侯四字據影宋真本初

襄公

八年

鄭人侵蔡獲蔡公子澤傳人微者也侵淺事也而獲公子公子病矣

公子病不任爲將帥故獲之

楊疏

九年春宋災傳外災不志此其志何也故宋也

春秋王魯以周公爲王後以宋爲故也是亦以爲

王者之後記災也

二十有四年

大饑傳五穀不升爲大饑

有死者曰大饑無死者曰大饑

二十有五年

十有二月吳子謁伐楚門于巢卒傳以伐楚之事門于巢卒也于巢者外乎楚也門于巢乃伐楚也

巢假姓之國

二十有七年

爲大夫與之涉公事矣

涉猶歷也

三十年

溫淵之會中國不侵伐夷狄夷狄不入中國無侵伐八年善之也晉趙武楚屈建之力也

晉趙武楚屈建感伯姬之節故爲之息兵其意以爲諸侯閔伯姬之賢故歸宋財爲溫淵之會此不相侵伐連會言之故知爲伯姬也並同上

昭公

元年

秋莒去疾自齊入于莒莒展出奔吳

不爲內外所與也不成君故但書名揚

四年

秋七月楚子蔡侯陳侯許男頓子胡子沈子淮夷伐吳

伐不月而書月者爲滅厲書

九月取緒

諱故以易言之

五年

秦伯卒

秦伯不名用狄道也

並同上

八年

以褐覆質以爲染

注疏本作以葛范氏注云葛或作褐

恐傷馬足故以毛布覆之

楊疏

流旁握御轡者不得入

流至也門之廣狹足合車通至車兩軸去門之旁
邊一握握手四寸也轡者不得入轡謂挂著若車挂

著門則不使得入以恥其御拙也

同上

九年

許遷于夷

許十八年又遷于白羽許比遷徙所都無常居處
薄淺如一邑之移故略而不月不得從國遷居例

集解

二十年

冬十月宋華亥向寧華定出奔陳

月者蓋三卿同出爲禍害重也君以臣爲體民以

君爲命凡爲憂者大害民處甚春秋皆變常文而示所謹非徒足以見時事之實亦知安危監戒云耳

二十有七年

邾快來奔

自此已前邾畀我庶其並來奔今邾快又至三叛之人俱以魯爲主邾曾鄰國而聚其逋逃爲過之甚故悉書之以示譏也小國無大夫故但舉名而略其氏

定公

元年春王三月晉人執宋仲幾于京師

案傳定元年不書正月言定無正也然則改元卽位在此年故不可以書王書王必有月以承之故因其執月以表年首爾不以謹仲幾也

董同上

春秋徐氏音一卷晉徐邈撰邈有易書詩禮音已各著錄其春秋音隋志三卷唐志一卷今佚從陸德明釋文參集韻輯爲一帙釋文所引宣成襄昭四公較多隱莊僖文定五公間引一二桓閔哀三公全缺然則唐時所存較隋已非完本得此殘編聊當唐志一卷之目焉歷城馬國翰竹吾甫

春秋徐氏音

序

一
舞媛館補校
三十六卷二十六

春秋徐氏音

晉 徐邈 撰

隱公

五年

鄭人侵衛牧音目

陸德明
釋文

莊公

十有九年

取焉國之圃以爲囿于目反

釋文

僖公

十有五年

而屢薪焉屢九具反

釋文屢如字徐本作屨云云

二十有八年

盟于斂孟斂音廉又力檢反

釋文

文公

十有四年

有星孛入于北斗孛扶憤反

釋文

齊出穀且長穀居碧反

同上

宣公

八年

壬午猶繹祥亦切又祭也宗廟有繹

丁皮集謂入聲
二十二昔繹字

注引徐
邈漢

十有二年

卜臨于大宮臨力鳩反

釋文

守陴者陴扶移反

不泯其社稷泯亡軫反滅也

而勦民勦子小反

耆昧也耆其宜反老也注及下同

嬖人伍參欲戰嬖甫詣反

必長晉國長丁文反

今釋文本脫徐字
正義載釋文有之

御下兩馬兩或作柂皆力掌反或音亮

並同上

掉鞅而還掉乃轍反正也

釋文女教切集韻去聲三十
六效掉字注

脫肩公冥反車上兵闌也

釋文

鋪時繹思鋪音敷布也

號申叔展號戶到反一音戶刀反呼也

十有五年

王札子札側乙反

國君含垢本或作詬亦音垢

杜回蹠而顛蹠陟吏反又丁四反

十有七年

及斂孟斂音廉一音力漸反

並同上

庶有媯平媯音彖直是反解也

釋文

通作彖文爾切

集韻

上聲四繙媯
字注引徐邈

十有八年

邾子戕鄫子于鄫戕在精反

至笙遂奔晉笙音生又勅貞反

並同上

卷之二十九
成公

二年

左輪朱殷於辰反注同

左井轡并芳聘反

且懼奔辟扶臂反

辟司徒之妻也辟甫亦反

賂以紀甗音彥又音言

必以蕭叔同子爲質音致下同

百祿是道子由反聚也

惟有翰楷音會

執紅而鳩反

三年

獲諸鄖武旦反一音萬

五年

伯宗辟重辟甫亦反

六年

取鄒音專又市樂反

八年

春秋徐氏音

獲沈子指音集又於立反

君後諸侯後音胡豆反

九年

使稅之稅始銳反注同

浹辰之間浹子協反父音子答反

十年

晉侯使翟蔑如楚翟徒弔反一音杜敖反又士弔反
戎扶廢反一音蒲廢反又蒲艾反

鄭人殺繻立髡禎五班反

絕傷我焉逃之焉於虔反一讀如字屬上句逃之繼

句

居肓之上育音荒鬲也

十有一年

沈其二子沈直蔭反注同一音如字

十有二年

於是乎有享宴之禮宴於顯反

朝而不夕朝音朝旦之朝

十有三年

春秋徐氏音



迭我殲地迭音逸

撓亂我同盟撓許高反

又欲闕剪我公室闕如字

伐我涑川涑息錄反又音速

獲秦成差初宜反

使公子欣或作歛亦音欣

十有四年

兜鱗其鱗兜辭姊反鱗音蚪又巨彪反一音巨秋反

立微姒之子衍苦旦反

不內音納

吾不獲讐也鰈市戀反一音專

十有五年

出舍于睢上睢許唯反又音綏

十有六年

晉侯使樂嬖來乞師嬖於玷反

宋將鉶樂懼敗詣汋吸鉶音在魚反汋音酌一音市

藥反

鄭人覆之覆敷日反一音扶又反又芳又反

人恤所底音旨又之履反

荀伯不復從子客反音或如字

楚晨壓晉軍而陳壓於聃反

在陳而翫讀曰歟五高反注及下同

有淖於前淖徒較反泥也

且侵官圖也冒莫北反

乃掀公以出於淖掀許言反捧轂舉之則公軒起也
一曰掀引也胡根反一音虛斤反並同上

蹲甲而射之蹲在尊反又在損反一音才官反并聚

也

集韻上聲二十
一泥蹲字注

徹七札焉

札側乙反釋

側瑟切葉也

集韻入聲十七
精札字注

有鞞韋之跗注鞞莫蓋反

釋文

以右茀翰胡翰音韓

得發音廢

公出于壞墮壞音壞下徒四反

亦間于卿間音間廁之間讀者或如字
十有七年

邾子饗且反饗居碧反

與婦人蒙衣乘輦與音頃

抽戈結衽而鳩反

十有八年

王湫奔萊湫子烏反

鐸遏寇爲上單尉遏音謁

西鉏吾鉏在居反並同上

襄公

元年

侵楚夷焦在堯反

釋文

二年

鄭伯聃卒聃古困反又胡忖反

婦喪姑者也養余亮反

其誰暱我暱乃吉反

三年

被練三千被扶僞反注及下同

四年

使行人子貢子貧反

天子所以享元侯也注元侯牧伯牧音目

而用寒泥在角反

貴賤易土易神或反注同

敗于狐駘敷才反

五年

我心扃扃孔穎反明察也

必改行下孟反

並同上

六年

傅于堞養涉反

釋文

弋涉切女牆也

集解入聲二十九

茱瑾字注

王湫帥師湫子鳥反

釋文

七年

朱嘗後衛君後胡豆反

八年

于邢丘邢音刑

子熙音怡

宣子賦操有梅操扶妙反又扶表反落也

以爲子孫藏才浪反

九年

命技正出馬出尺遂反下同

或食於味以出內火昧丁遊反出尺遂反內音納

棄位而妓戶交反注同又如字

肆眚所幸反

暴骨以逞暴扶沃反

公子罷戎入盟同盟于中分罷晉彼中音丁仲反
十年

遂滅逼陽逼甫目反又彼力反木或作逼

秦蓋父莖音謹

扶之以出門者扶鳥穴反又古穴反

狄虒弒音弭一音武脾反

拔戟以成一隊徒很反

及蝶養涉反

及著雍疾著都慮反一音除慮反

遷鄭而南還音患注同繞也

十有一年

同盟于亳城北亳扶各反

楚人執鄭行人良霄音滔

不從晉國幾亡幾音幾

陪其國家陪蒲北反又歎豆反

納斥候斥音尺一音呂夜反

淳十五乘淳述倫反又之倫反

秦晉戰于櫟夫灼反

十有二年

爲邢凡蕷茅胙祭側戒反又如字

十有三年

必易我易神攷反

十有四年

執苦公子務婁務莫侯反下力侯反務又音如字
或音力俱反

蓋言語漏洩音以世反

譬如捕鹿捕音步又音賦

亦無晉焉晉莫贈反又武登反問也一音武忠反

至于械林械子目反一音於鞠反

學射于庾公差初宜反

射兩鞠而還鞠其俱反又古豆反

有母弟鱗市嚮反又音專並同上

春秋徐氏音

士海錄徐補校
三十六卷之十七

唁衛侯唁音唁弔失國曰唁

釋文唁魚變反
徐本作唁云云

衛人出其君出音黜

釋文

道人道在由反又在幽反又子由反

十有五年

養由基爲宮廄尹廄音救

則民無覩心覩音喻

與師戎師糴戎音伐

十有六年

于渢梁渢公壁反

苦犁比公犁力私反一音力兮反

次于械林械子目反

戰于湛阪湛而林反又丈林反一音直斬反阪扶板

反

遂寒海陘古定反

十有七年

邾子桼卒桼戶耕反

以杙抉其傷而死抉烏穴反又古穴反

國人逐瘞狗瘞居世反一音制

春秋徐氏音

澤門之晳思益反白也

邑中之黔音琴一音其廉反黑也

十有八年

殖綽郭最子會反

右回梅山回胡狼反

釋文戶賄切繞也

集韻七聲四賄回字庄

十有九年

取邾田自漷水漷音郭又虎伯反

荀偃獮迫獮首旦

而視市至反下同

如百穀之仰齊雨焉仰五亮反下同齊古韻反

齊崔杼殺高厚於灤藍灤所綺反

號之乃下號湖報反名也一音戶刀反

是謂楚其本楚求月反拔也一音居月反又居衛反

二十年

褚簡段通之段徒亂反

出其君出音點

二十有一年

邾庶其以漆閭丘來奔漆音七

並同上

而不相能乃代反

二十有二年

而何敢差沱直知反一音徒何反注同

釋文池徐本作沱

二十有三年

晉悼夫人喪之喪息浪反

李成御襄罷師罷音彼一音皮買反

釋文

肱商子車御侯朝肱起居反又音脣或起業反

爲二隊入孟門登大行隊徒狃反行戶郎反一音如

字

獲晏釐音來

將其敝車而行敝扶誠反

豐點之廉反

孟氏將辟藉辟甫亦反注同藉音借又如字藉亦借

也並同上

二十有四年

寡君是以請請罪焉上請字音情

釋文是以請罪焉一本作是以謁請

罪焉下引徐音

晉侯使張骼輔蹠音洛

釋文

春秋徐氏音

鄭人卜宛射犬吉射神石反

部婁無松柏部扶荷反婁力侯反部婁小阜也

搏人以投搏甫各反

吳子過音謂

並同上

二十有五年

孟公卓音綽

釋文綽徐本作卓

驃如崔氏驃在遘反

釋文

陪臣于掘有淫者于讀自犴胡旦反注同掘側柳反

又子俱反一音作侯反

同上

當陳隧者隧音遂又徒猥反下同

釋文

杜罪切徑也

集韻

上聲十四

賈逵字注

陳侯免音萬喪冠也

釋文

祝祓社祓音廢

如膺鷗之逐鳥雀也鷗之然反又居延反

二十有六年

三冓暴骨暴扶沃反

瑗不得聞君之入瑗于萬瓦

君淹恤在外淹於嚴反

先八邑先悉薦反下同或如字

及零婁零況于反婁力俱反

棄諸堤下堤丁兮反

如杞梓上音起下音子皆木名也

若多鼓鈞聲鈞居旬反

晉人與之鄙許六反又起六反

楚晨壓晉軍壓於輒反

涉于汜扶嚴反

三十有七年

如稅服稅讀曰總音歲注同謂總衰也

欲弭諸侯之兵弭武婢反

並同上

司馬罷折俎折之設反注同又音制

釋文

征例切斷也

集韻去聲十
三祭折字注

楚氛甚惡氛扶云反

釋文

楚人衷門衷丁仲反

不踰闕沉逼反門限也

以誣道蔽諸侯蔽甫世反

無厭之甚也厭於廉反

告盧蒲婆敷結反

崔氏堞其宮堞養涉反

崔明夜辟諸大墓辟甫亦反

二十有八年

襄人竊更之以鶩音木鴨也

環公室環音患並同上

與我其拱璧拱音恭釋文居容切大璧也

集韻上平聲
三鍾琪字注

二十有九年

祔殯而襚祔音廢釋文

以桃荔先荔音例

黨叔黨首掌

颯颯乎颯敷劖反中庸之聲也

文孚梵切集韻去聲六十梵颯

注字

直而不倨者居

釋文

直於切倣也

集韻上平聲

九魚偏字注

復而不厭於贍反

並同上

見舞韶渡者護音護又戶郭反

釋文

黃郭切湯樂名

集韻

入聲十九
鐸芟字注

與之縞古到反縞也

釋文

春秋徐子音

而後能抒音舒解也

三十年

使爲君復陶復音服一音福

待姆也姆音茂

其君弱植直吏反一音時力反

皆自朝分此而罷扶彼反

自墓門之頃入瀆音豆

豐巒將祭心居阮反

子產殖之疋是吏反

三十有一年

而諱諱焉諱之間反或一音之純反

工僕灑省所幸反一音息井反一音銷

釋文消所領
反徐本作省

云

袞衽而鳩反裳下也

繕完葺牆葺音集一音七入反覆也謂以草覆牆也
匱設庭燎力遙反一音力弔反庭燎大燭

莒犁比公犁力私反

僕將厭焉厭於輒反下同

並同

昭公

无年

于大歎大音秦下音魯文釋

可無亢也亢苦浪反又音剛禦也

大國省稿而用之省所幸反注同

而惡囂乎囂五高反注同

弗去燿選索短反注及下同數也

於是嘗務娶晉胡晉音茂一音謀

於是平禁之禁音營並同

勿使有所壅閉湫底湫音秋又在酒反

釋文雌由切集

也

集韻下平聲十尤歌字注

四姪有省所幸反注同

釋文支

城壁櫟郊櫟失灼反

而目說其事說音悅一音始悅反

二年

武子賦節之卒章節才結反又如字

三年

而數於守適數所主反

將奉質幣質之二反又音如字

公聚朽蠹聚在喻反一音在主反

而或燠休之燠音憂又於到反一音於六反休虛留
反燠休痛念之聲也

湫隘羣塵湫音秋又在酒反下同

王以曰江南之夢莫公反注同

四年

使舉請問音閭一音如字

風不越而殺色界反

播於諸侯播字或作幡敷袁反

著丘公立著直據反

渾罕許但反

君子作泣於涼音亮

入棘櫟麻櫟力狄反又失灼反

彭生罷賴之師罷甫綺反

號之曰牛號胡到反一音戶刀反下同

日唯以水反唯應辭猶吟也

疏本釋文作喻

五年

葬鮮者鮮息淺反不以壽終爲鮮注同

鄭伯勞子蕩於汜扶嚴反

思莫在公思息吏反謂羣臣慮也一音如字

享頰有璋規他彫反

殮有陪鼎陪扶坯反加也

震電馮怒馮敷冰反注同

待命于零寢零况于反叟力俱反

並同上

七年

叔孫婼敷略反又音釋

釋文施隻切集韻入聲二十
二音切字注

先君之敝器注瑞碧玉檀之屬齋於容反

釋文

公孫晳思益反

明于濡上濡音須

作僕區之法區烏侯反又如字僕區刑書名也

東君將承質幣質之二反又如字

說也爲身無義而圖說始銳反

嬖人婤婚姻音周又救周反始烏答反

康叔名之名武政反

九年

仲孫獲俱縛反又居罟反

荀躰音洛

十年

公卜使王黑以靈姑鉢率吉率所類反

十有一年

大蒐于比蒲比扶夷反

盟于祲祥祲子鳩反又七林反

于厥愁五巾反又音五轄反

朝有著定著治居反

衛蒲戚實出獻公出

十有二年

則朝而塉甫贈反

有肉如坻直夷反

公孫僕索口反又所流反

並同上

湫平攸乎湫子小反又有酒反一音秋攸以帝反

釋文

以九切懸危貌

集韻上聲四
十有攸字注

司馬督翼許驕反

釋文

左史倚相倚其綺反

同上

祈招之愔愔於林反安和貌文於金切

釋於集韻下平聲

二十一侵情

字

十有三年

與史辨先入辨扶蟹反又扶移又或扶瞻反

釋文

及公子罷跛罷甫綺反一音蒲買反

將欲入邸於建反一音於晚反

莘尹無宇之子申亥莘于付反又音明

投龜詣天詣許后反

是區區者而不余畀甫至反與也

皆厭紐厭於甲反又於豔反

子服湫從湫音椒又子鳥反案子服湫又作子服椒
止一人耳

十有四年

分貧振窮分甫問反

宮著丘公卒著直據反

叔魚蔽罪邢侯蔽甫世反

十有五年

喪氣也氣候云反惡氣也

十有六年

莫知我肆以制反帶也又以自反注同並同

刑之頗類力對反注同又力狠反

釋文路罪切偏頗也

集韻上聲十
四曉類字注

十有八年

祓禳于四方祓音廢

釋文

二十年

齊侯疥遂瘡疥

孔穎達正義引徐仙民音作疥云是先儒舊說皆爲疥遂瘡釋

文舊音
戒據補

二十有四年

仲孫糴卒糴俱碧

釋文

定公

元年

皆從壞墮反壞音懷又戶怪反

釋文

四年

祓社饗鼓祓音廢

因商奄之民注皆令卽屬魯令力呈反

並同上